

舊雜譬喻經卷下

覓

吳天竺沙門康僧會譯

佛為諸弟子說經時有射獵人擔弩及負十有餘死鳥過往觀佛其意精銳願聞說經心欲聽受佛則止不為說之獵人退去便言若我作佛必普遍為人說道無所違逆阿難問

乙

徐堅

佛此人撰情欲聽典教何以逆之佛言此人大菩薩立心深固昔為國王於眾姝女意不平均不見幸者共鴆煞王王生射獵家諸姝女皆墮鳥獸中今畢其罪後又成就若為說經恐其意懼墮羅漢道故不為說耳昔佛寺中有金釜以烹五味供給道人時有

凡人入觀見金釜欲盜取之無所因緣詐作沙門被服入眾僧中聞上座論經說諸罪福生死證要影響之報不可得離之證盜人意中開悟內懷慚悔撰情專心則見道迹思惟所由益是我師特先禮金遶之三帀為眾沙門具自道說夫覺悟各有所因心專一者莫

不見諦也

昔阿那律已得羅漢眾比丘中顏容端正有似女人時獨行草中有輕薄年少見之謂是女人邪性洪動欲干犯之知是男子自視其形變成女人慙愧鬱毒自放深山遂不敢歸經逾數年其家妻子生不知處謂已死亡悲號無寧阿那律分衛往至其家婦人涕泣自說其夫不歸乞勾福力使得生活阿那律默然不應心有哀念乃至山中求與相見此人便悔過自責其身還成男子遂得還歸家室相見凡得道人不可以惡向之反受其殃也昔有比丘於空閑樹下坐行道意樹上有一獼猴見比丘食下住其邊比丘以餘飯與之獼猴得食輒行取水以給澡洗如是連月後日食忽忘不留飯獼猴不得食大怒取比丘袈裟上樹悉裂敗之比丘忿此畜生以杖捶誤中墮地獼猴即死數獼猴並來噪嚙共舉死獼猴到佛寺中比丘僧知必有以則合會

諸比丘推問其意此比丘具說其實於是造  
教自從今日比丘每食皆當割省留餘以施  
蠕動不得盡之檀越句飯由此為始也

昔有鶩遭遇枯旱湖澤乾竭不能自到有食  
之地時有大鶴集住其邊鶩從求哀乞相濟  
度鶴遂銜之飛過都邑上鶩不嘿聲問此何

圖九

二

等如是不止鶴便應之應之口開鶩乃墮地  
人得屠裂食之夫人愚頑無慮不謹口舌其  
譬如是也

昔有沙門令凡人剃頭剃頭已頭面著地作  
禮言願令我後世心意淨潔智慧如道人道  
人言令卿得慧勝我其人作禮而去後命盡

生初利天上天上壽盡來下生大姓家作子  
後得作沙門智慧得見道迹此至意所致也  
昔有梵志從國王勾王欲出獵令梵志止殿  
上須我方還乃出獵追逐禽獸與臣下相失  
到山谷中與鬼相逢鬼欲啖之王曰聽我言  
朝來於城門中途一道人從我句我言止殿

上待還今乞暫還與此道人物已當來就卿  
受啖鬼言今欲啖汝汝寧肯來還王言善哉  
誠無信者我當念此道人耶鬼則放王王還  
宮出物與道人以國付太子王還就鬼鬼見  
王來感其至誠辭謝不敢食也師曰王以一  
誠全命濟國何況賢者奉持五戒布施至意

其福無量也

昔阿育王常好布施飯食沙門令太子自斟  
酌供具太子嘿志言我作王時悉當煞諸道  
人道人心知太子瞋恚謂太子言我不久在  
世間太子驚曰道人明乃亦知我心意即反  
念我作王時當供養道人勝我父心遂和則

圖九

三

去惡就善道人言比卿作王時我生天上已  
太子曰聖哉沙門後作國王以五戒十善為  
國政遂致隆平矣

昔有四姓取兩婦大婦日日以好飯供養沙  
門沙門日往取飯小婦患毒之明日沙門復  
來小婦則出取鉢以不淨著鉢中以飯置上

授還沙門沙門持去於山中適欲飯見不淨則澡洗鉢後不敢復往小婦口中及身體則作死人臭見皆走避後壽終墮沸屎地獄如是展轉三惡道數千萬歲罪畢得為人常思欲食大便不得腹中絞痛後為人婦夜起盜食大便如是數數夫惟之便往尋視見婦食屎此宿命行所致也

人有四難得成一者塔二者招提僧舍三者飯比丘僧四者出家作沙門是四事以立其福無量所以者何三界時有耳已得作人復有財產能拔慳貪之本應時惠施功業託立是亦難得誰能知此福者唯佛耳

佛言比丘不以飯食轉相呼為親道唯以經法轉相教戒為親耳比丘以飯食美味轉相貢施見世於比丘善名後世無所應於佛得惡論何以故外行家見比丘言佛弟子但以美飯食好衣轉相施耳誰教者是佛也於佛得惡論比丘以經戒道法轉相請乃為大親

厚耳何以故外行家見比丘言佛弟子但以經戒道法轉相施耳無他相與於比丘現世得善名後得解脫於佛有善論何以言之佛是比丘師教弟子但以經道是故不必以飯食為惠也但以善言轉相施上耳

佛言比丘當知足何等為當知足謂趣求一衣一食常在經行念不念外求能止不亂意是為知足亦不當知足謂所謂經戒若得四禪及四空定須陀洹斯陀舍未可計知足也如是為不當計足矣

有比丘分衛道住促迫卒失小便行人見之皆共譏笑言佛弟子行步有法度被服有威

圖九

儀而此比丘立住失小便甚可笑也時有外行尼犍種見人譏笑此比丘即自念言我曹尼犍種裸身而行都無問者佛弟子住小便而人皆共笑之如是者我曹師為無法則故人不笑耳將獨佛弟子法清淨有禮儀易為論議故便自歸佛所作沙門即得須陀洹比

丘譬如師子衆獸中王人中師所語當用法  
行步坐起當有威儀爲人法則不得自輕自  
輕自毀以辱先賢也

天王釋及第一四天王十五日三視天下誰  
持戒者見持戒者天即歡喜時以十五日天  
王釋在正殿坐處自念言天下若十五日三  
齋者壽終可得吾位矣邊諸天大驚言但十  
五日三齋乃得如釋處有比丘已得阿羅漢  
即知釋心念白佛言寧能審如釋語不佛言  
釋語不可信爲不諦說何以故十五日三齋  
精進者可得度世何爲釋處如是爲不諦說  
爲未足信誰能知齋福者唯佛耳

海中有大龍龍欲雨間浮利地恐地無當此  
水者龍意念地無當我雨者還自雨海中耳  
佛惠弟子威德甚大欲以施外行九十六種  
道家恐無能堪者是故佛弟子展轉自相惠  
耳譬如龍自還雨海中也  
昔有梵志年百二十少小不妻娶無姪洪之

圖九

五

情處深山無人之處以茅爲廬蓬蒿爲席以  
水果蔬爲食飲不積財寶國王婢之不往意  
靜處無爲於山中數千餘歲日與禽獸相娛  
樂有四獸一名狐二者獼猴三者獺四者兔  
此四獸日於道人所聽經說戒如是積久食  
諸果蔬皆悉訖盡後道人意欲使徙去此四

獸大愁憂不樂共議言我曹各行求索供養  
道人獼猴去至他山中取甘果來以上道人  
願止莫去狐亦復行化作人求食得一囊飯  
麩來以上道人可給一月糧願止留獺亦復  
入水取大魚來以上道人給一月糧願莫去  
也兔自思念我當用何等供養道人耶自念  
當持身供養耳便行取樵以然火作炭往白  
道人言今我爲兔最小薄能請入火中作炙  
以身上道人可給一日糧兔便自投火中火  
爲不然道人見兔感其仁義傷哀之則自止  
留佛言時梵志者提和竭佛是時兔者我身  
是獼猴者舍利弗是狐者阿難是獺者目犍

連是也

昔有五道人俱行道逢雨雪過一神寺中宿舍中有鬼神形像國人吏民所奉事者四人言今夕大寒可取是木人燒之用炊一人言此是人所事不可敗便置不破此室中鬼常啖人自相與語言正當啖彼一人是一人畏

我餘四人惡不可犯其呵止不敢破像者夜聞鬼語起呼伴何不取破此像用炊乎便取燒之啖人鬼便奔走夫人學道常當堅心意不可怯弱今鬼神得人便也

昔有國王棄國行作沙門於山中精思草茅為屋蓬蒿為席自謂得志大笑言快哉邊道

人問之卿快樂今獨坐山中學道將有何樂耶沙門言我作王時所憂念多或恐鄰王奪我國國恐人劫取我財物或恐我為人所貪利常畏臣下利我財寶反逆無時今我作沙門人無貪利我者快不可言以是故言快耳昔有國王大好道德常行遶塔百匝未竟邊

圖九

六

國王來攻欲奪其國傍臣大恐怖即行白王言有兵來者唯大王置斯旋塔還為權慮以攘重寇王言聽使兵來我終不止心意如故遶塔未竟兵散罷去夫人有一心定意無所不消也

昔有國王行常過為佛作禮不避泥雨傍臣患之自相與語王作意何以煩碎乃亦王耳聞之王還宮勅臣下行求百獸頭及人頭一枚來臣下白王言已具王令於市賣之皆售獨人頭不售臣下白言賣百獸頭皆售此人頭是爛初無買者王語傍臣汝曹不解耳我前者過佛所為佛作禮汝曹言王意煩碎欲知我頭者如此死人頭不潔淨當以求福可得上天汝曹愚癡不知反言煩乎傍臣言實如大王所說叩頭謝過臣等愚不及王後復出臣等皆下馬為佛作禮以王為法也昔有國王出遊每見沙門輒下車為沙門作禮道人言大王止不得下車王言我上不下

也所以言上不下者今我爲道人作禮壽終已後當生天上是故言上耳不下也

昔有人死已後魂神還自摩挲其故骨邊人問之汝已死何爲復用摩挲枯骨神言此是我故身身不熟生不盜竊不他姪兩舌惡罵妄言綺語不嫉妬不瞋恚不癡死後得生天

圖九

七

上所願自然快樂無極是故愛重之也

昔外國有沙門於山中行道有鬼變化作無頭來到沙門前報言無頭痛之患目所以視色耳以聽聲鼻以知香口以受味了無頭何一使乎鬼復沒去復化無身但有手足沙門言無身者不知痛痒無五藏了不知病何一

快乎鬼復沒去更作無手足人從一面車轉輪來至沙門道人言大快無有手足不能行取他財物何其快哉鬼言沙門守一心不動鬼便化作端正男子來頭面著道人足言道人持意堅乃如是今道人所學但成不义頭面著足恭敬而去也

昔沙門於山中行道裏衣解墮地便左右顧視徐牽衣衣之山神出謂道人此間亦無人民衣墮地何爲匍匐著衣沙門言山神見我我亦復自見上日月諸天見我於義不可身露無有慙愧非佛弟子也

昔有六人爲伴俱墮地獄中同在一釜中皆欲說本罪一人言沙二人言那三人言時四人言涉五人言姑六人言陀羅佛見之笑目捷連問佛何以故笑佛言有六人爲伴俱墮地獄中共在一釜中各欲說本罪湯沸踊躍不能得再語各一語便迴下一人言沙者世間六十億萬歲在泥犁中爲一日何時當竟第二人言那者無有期亦不知何時當得脫第三人言時者咄咄當用治生爲如是不能自制意奪五家分供養三尊愚貪無足今悔何益四人言涉者言治生亦不至誠我財產屬他人成爲得苦痛第五人言姑者誰當保我從地獄中出便不復犯道禁得生天上樂

者第六人言陀羅者是事上頭本不為心計  
譬如御車失道入邪道折車軸悔無所復及  
也折羅漢譬喻抄七首

昔佛遣舍利弗西至維衛莊嚴刹土問訊彼  
佛三事佛身安隱不說法如常不受者增進  
不舍利弗即承佛威神往詣彼刹宣命如是

圖九

彼佛報言皆悉安隱於時彼佛轉阿惟越致  
輪為七住菩薩說法舍利弗聞之從彼刹還  
姿色光明行步勝常佛告舍利弗汝到彼何  
故拔步怡悅如是舍利弗白佛言譬如貧家  
飢凍之人得大珍寶如須彌山寧歡喜不佛  
言甚善舍利弗言我到彼刹得聞彼佛說阿

惟越致深奧之事是以欣踊不能自勝佛言  
善哉如汝所言佛語舍利弗譬如長者大迦  
羅越純以紫磨金摩尼珠為寶內有掃除銅  
鐵鉛錫棄在於外糞壤之中有貧置者喜得  
持歸言我大得迦羅越寶寧是長者珍妙寶  
非吝言非也佛語舍利弗汝所聞得如是貧

者彼佛所說但十住事及在舉中清淨之者  
汝所聞者不足言耳舍利弗即愁毒如言我  
謂得寶反是鉛錫舍利弗說是事時無央數  
人皆發無上平等度意無央數人得阿惟顏  
住也

昔摩訶目犍連坐於樹下自試道眼見八千

佛刹意自念言如來所見尚不如我作師子  
步行詣佛所佛告目連汝聲聞種今者何故  
作師子步目連白佛我自所見八方面八千  
佛刹想佛所視又不如我故師子步佛言善  
哉目連所見廣大乃尔佛告目連譬如燈明  
比方摩尼相去甚多佛言我眼所見十方各

圖九

九

如十恒沙刹一沙為一佛刹盡見其中所有  
一切有從兜術天來入母腹中者及有生者  
有出家行學道者有降伏魔者有釋梵來勸  
助者有轉法輪一切說法者有欲般泥洹者  
有已般泥洹燒舍利者如是等輩不可計數  
我持是眼悉已見之佛放眉間毛相之光徹

照上方放身中光遍照八隅放足下光明洞照下方各百千刹應時十方諸刹六反震動其大光明無所罣礙時目捷連即於佛前見無央數千恒沙邊刹其中所有如佛說前佛言佛屬所說十恒沙刹今佛所現乃尔所乎佛語目連用汝不信故小說耳今我所現如是之比不可勝計摩訶目健連聞說是事身即躡地如太山崩舉聲大哭我憶知佛有是功德今方如此寧令我身入大泥犁右脅見者過於百劫不取羅漢目連便言諸在會者世尊說我神足第一尚不足言所作功德不及知此何況未有所得者耶發心所作當志如佛莫得效我化爲敗種一切會者龍神人民無央數千皆發無上平等度意發大道心者即得阿惟越致已得不退轉者皆悉達得阿惟顏住也

昔有龍王名曰拔坻威神廣遠多所感動志性急愨數爲暴虐多合龍共爲非法風雨霹

靂電殺人民鳥獸蠕動積無央數有尊羅漢萬人自共議言若殺一人墮地獄一劫百償死罪猶故不畢今者此龍殘害衆生前後不訾遂尔不休轉恐難度幸當共往諫止之耳時佛知之讚言善哉汝等出家求無爲道欲救一切危厄之命度有罪者大快當尔是爲報恩時諸羅漢自相謂言不足乃使萬人俱行於是一人各各更往輒被危害不能自前還相謂言雖獨行不能降化屈折此龍使改爲善當更合會萬人功德俱時共行即都復往龍放風雨雷電霹靂萬人驚怖不知所至逆爲所辱頓伏來還阿難白佛此龍殘煞乃

尔所人及諸畜獸其罪大多已不可計今復加雹佈萬羅漢雨其衣被狀如溺人其罪深大巨復勝計是時佛在耆闍崛山與萬菩薩萬羅漢俱往詣異山到龍止所龍便瞋恚興暴雨疾雷電霹靂其放一雹令碎方四十丈若至地者入地四尺欲以害佛及菩薩僧時

圖九

十

電適下住於空中化成天華佛放光明廣有所照諸在山中射獵行者遭值雲雨杳冥迷惑不識東西合萬餘人皆尋光來詣佛所住龍復霹靂放下大石方四十丈若石至地者墮入地中當四十丈石於佛上與前華合化成華蓋小龍電石各方一丈亦皆如是前諸

羅漢見龍災變各懷恐怖前依近佛龍於雲間自見電石化為華蓋懸於虛空而不下至復自念言我當以身堅自繫結令四十丈欲以投佛及眾僧上即時自撲無所能中遍身毒痛倒地甚久舉頭開目仰視見佛我之所為皆不如意疑是尊妙無上神人於是小龍而皆自撲無所動搖龍王是時即便命盡上生為天諸餘小龍亦皆并命得作天子皆悉來下住於佛邊佛告阿難汝知是天所從生不對曰不及佛言屬者諸龍與惡意者汝言罪大不可勝計自撲在地發一善心知佛為尊命盡為天此者是也天聞佛言及諸天子

圖九

十一

皆發無上平等度意是時獵人諸在山中來詣佛者皆自念言此龍之罪尚得解脫我之所害方之此龍蓋亦無幾欲發道意心尚猶豫佛告阿難此萬羅漢欲度諸罪力所不任若無我者為龍所制不能度惡還益其罪欲度一切當先禪定思惟可度然後乃行汝等不能度者但薩阿竭能度不度是時獵人聞說如是皆發無上平等度意天龍人民其在會者佛為說經皆得阿惟越致昔龍王拔抵與釋迦文佛共為婆羅門拔抵弟子時有萬人見釋迦文為人才猛捨其師事釋迦文拔抵懷恚罪至為龍佛德既成多度一切弟子萬人皆得羅漢龍惡遂盛廣欲為害萬人愍傷故欲往度曾為師故四道雖足猶受其辱若為菩薩龍欲加惡終不敢也昔有一國人民熾盛男女大小廣為諸惡性行剛弊克暴難化佛將弟子到其鄰國五百羅漢心自貢高摩訶目捷連前白佛言我欲

詣彼度諸人民佛即聽之往說經道言當爲善若爲衆諸惡其罪難測覆一國人皆共搥罵不從其教於是復還舍利弗謂目犍連欲救誨人當以智慧如更見毀舍利弗白佛我欲詣彼勸度人民佛復聽往爲說經戒復不從用而被唾辱摩訶迦葉及尊弟子合五百人以次遍往不能度之咸見輕毀阿難白佛彼國人惡不受善教多所折辱辱一羅漢其罪不訾况乃違戾尔所人教當獲重罪虛空不容佛言此罪雖爲深重菩薩視之靜爲無罪佛遣文殊師利往度脫之即到其國都讚歎言賢者所爲何乃快耶詣其王所皆面稱譽各令大小人人聞知言其勇健其復仁孝其有瞻慧隨其所在應意嘆譽皆歡喜不能自勝言此大人所說神妙知我志操何一快善衆人各持金寶香華散菩薩上咸持好氎錦綵衣服甘脆美味飲食肴饌供奉菩薩皆發無上平等度意文殊師利謂人民曰汝供

圖九

十一

養我不如與我師我師名佛可往共供之福倍無量一切甚悅隨文殊師利往詣佛所佛爲說經應時即得阿惟越致三千國土爲大震動山林樹木皆讚言際文殊師利善度如是佛告阿難深大之罪今爲所在五百羅漢躡地淚出菩薩威神所化如是何况如來可復稱說耶我爲敗種無益一切也昔佛坐樹下時佛爲無央數人說法中有得須陀洹有得斯陀含有得阿那含有得羅漢者如是之等不可計數時佛面色無有精光狀類如愁阿難深知佛意長跪白佛禮侍佛以來未曾見佛尊顏無有光明如今日也有何變應令佛如此今日誰有失大行者誰有爲惡墮地獄者誰有離遠本際者耶佛告阿難譬如商客多持珍寶及數千萬遠行求利道逢盜賊亡失財寶其身裸住無以自活寧愁憂不阿難白佛甚愁甚劇佛告阿難我從無數劫來勤苦爲道欲救度一切人民皆令

得佛我今已爲自得作佛而無一人作功德者是以不樂身色爲變阿難白佛今佛弟子有得羅漢已過去者今現在住及當來者不可計數有得阿那含斯陀含須陀洹亦亦計云何無因功德度者佛告阿難譬老公嫗生十數女當能典家成門戶不阿難言不能

圖九

七二

也佛言雖有羅漢無央數千因我法生猶非我子會亦不能坐佛樹下故譬如生女雖爲衆多行嫁適人公嫗孤獨我亦如是時佛涕泣墮三滴淚三千世界爲大震動無央數天龍神人民皆發無上平等度意應時佛面端正悅好無數光明千億萬變十方徹照倍異於常其見光者無不蒙度阿難白佛何以重光神變妙好乃如是佛告阿難如老公嫗祠天禱地求索子性晚得生男堅立嗣戶豈不歡喜而自勞賃令諸一切發摩訶衍意是以踊躍佛種不絕故也佛遣須摩提菩薩上國六千億恒沙數刹令詣彼國取師子座衆飲

食具如伸臂頃還來到此嚴莊師子高廣之座請諸一切無不會者其發無上平等度意者皆坐自然師子千葉金蓮華上座有於七寶交露帳中及於七寶樹下坐者堅諸幢幡七寶爲柄天錦爲幡天繒爲華蓋佛應時令大千國土變爲浴池七寶蓮華滿其中生佛

自變身現作菩薩或復現形如釋梵四天王者廣爲大檀供養一切百味飲食其香廣聞十方一切其聞食香皆發無上平等度意香香遍身從毛孔出展轉復聞毛孔之香者亦發無上平等度意十方無涯底刹爲大震動刹刹諸佛各遣左右尊菩薩來賀釋迦文用一切人民多發菩薩心之故也中有持紫磨金蓮華來者有持摩尼寶蓮華來者有持明月珠蓮華來者各各持雜尊寶蓮華共散佛上佛之威神皆令所散合成華蓋覆遍十方無央數刹華蓋光明亦照諸刹幽冥之處恒爲明泥犁薜荔禽獸六畜皆發大意咸欲求

佛佛為一切會者說經不可計菩薩皆得阿惟顏住復不可計天人得無所從生法忍復不可計龍神人民得阿惟越致復一切菩薩和薩皆發無上平等度意

昔有一人年少貧苦行詣他國得一甘果香美且大世所希有輒愛惜之不敢饒嘗心念

圖九

卅

父母欲以果與即持果歸還維耶離時佛入城與諸菩薩大弟子俱詣長者家就檀越請佛適過去人未至家手持果投在佛處從少及長未曾聞佛見佛足跡相輪如蓋光色聚變亦無缺減便住足邊視之無厭心自僥倖亡悲亡喜地之行迹猶尚乃尔況此人身誠

非世有度是行人必當來還我當輟置父母之分待此人至以果上之佛未周旋人坐路傍悲思淚出道路行者來問此人為持果坐此悲耶答言守此無極尊跡待留神人冀其當還欲以此果自歸上之遲見光顏未得如願自鄙薄祐是故悲耳行路問者聚觀如雲

豈怪此人謂之狂癡詎知行者還在何所斯欲待之乎佛到檀越長者家坐眾僧集訖以次坐定長者大小手下飯具眾味遍設皆悉備足佛遙達觀道中守迹持果延竦欲上佛者於是食訖檀越自念世尊達觀屬不見及即遙呪願外持果者將以所供有不可乎佛

告阿難長者供具福往耳所為雖廣意有所冀心懷四懼志在減度外有年少手持甘果一心無他專守我足跡慈悲待我思欲上果用一切故發大道 意是以在座並遙達觀長者念言是人果施而無異饌佛嘆其德甚為高妙我雖豪富所設為豐計意輕重福為

圖九

卅五

不如願侍隨佛往見此人佛便起座到守跡人所菩薩弟子長者居士并餘眾輩應時皆從彼持果者遇見佛往身相眾好光踰日月即前迎佛替首作礼因此果長跪上佛即發無上平等度意佛放光明徹照無極三千世界為大震動十方諸佛及諸菩薩應時皆

現如鏡中像不以遠近無不見者佛受其果轉施諸佛等令一果周遍無極十方諸佛及諸菩薩各從袈裟伸金光手放千億焰其一焰端各各自然有寶蓮華珠交路帳師子之座上有坐佛及諸菩薩皆持寶鉢受得此果各持一果神變達觀釋迦文佛亦復如是於此世界照耀十方虛空神天一切充滿八維上下無空缺處皆助歡喜讚善稱嘆三界諸菩薩皆得應蒙時上果者得不起忍佛授其決後當作佛号果尊王無上正覺所有國土如阿彌陀利應聞世尊所勅國土自然清淨得阿惟顏長者居士向道迹者無數千人不退轉地大度其德如是也

池園果自然飲食衆妓女樂更當下生於拘夷那竭國亦癩母猪腹中作子甚預愁憂不知當作何等方便得免此罪有天語言今佛在此爲母說經佛爲三世一切之救唯佛能脫卿之罪耳即到佛所誓首作禮未及發問佛告天子一切萬物皆歸無常汝素所知何爲憂愁天白佛言雖知天福不可得又恨離此座當爲疥癩母猪作豚以是爲毒趣受他身不敢爲怨也佛言欲離豚身當三自歸言南無佛南無法南無比丘僧歸命佛歸命法歸命比丘僧如是日三天從佛教晨夜自歸却後七日天即壽盡來下生於維耶離國作長者子在母胞胎日三自歸始生墮地亦跪自歸其母媿身又無惡露母旁侍婢怖而棄走母亦深怪兒墮地語謂之熒惑意欲煞之退自念言我少子恠若煞此兒父必罪我徐白長者煞之不晚母即收兒往白長者言產生一男甫初墮地長跪叉手自歸三尊闔門

惟之謂為熒惑父言止止此兒非凡人生在世行年百歲或八九十年尚不曉自歸三尊

況兒墮地能稱南無佛好養視之慎無輕慢兒遂長大年向七歲與其輩類於道邊戲時佛弟子舍利弗摩訶目犍連適過兒旁見前禮足言和南舍利弗摩訶目犍連舍利弗摩

訶目犍連驚怪小兒能禮比丘兒言道人不知識我耶佛於天上為母說經我時為天當下作猪從佛之教自歸得人比丘即禪亦尋知之即為呪願言咨梨祇兒語目連及舍利弗願以我聲因請世尊諸菩薩僧井及仁等目連舍利弗然受其言兒便還歸白父母言屬

者遊戲見佛第二弟子過即因請佛及四輩飯願辦其甘脆父母受之從其所言異其年幼開發大意又奇所作探識宿命為極珍妙盡世名味求具精細過踰兒意佛及眾僧各以功德作神足來到兒舍飯父母小大供養畢訖行香澡水如法皆了佛為說經父母及

兒內外親屬應時皆得阿惟越致自歸之福所度如是况乃終年修道教乎

十七末

舊雜譬喻經卷下

圖九

精銳下羊燭然上直噪嚙上蘇淫泆下呼蓬蒿上玩

徒敢絞痛巧上裸身果上姪泆一下蓬蒿上薄

呼而反羊寇反苦一枚售音匍匐上音炊音

攘反而拔動也貧匱位下怡悅之上鈿錫先音匍匐上音

糞壤下反貧匱位下無央香下八隅下音拔下音

坻下音自撲下音擗反不訾斯下窳冥上音操反

坻下音自撲下音擗反不訾斯下窳冥上音操反